



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1712

Q. 262. Quid Confessarius Medicorum &c. mercatorum, opificum, militum.

urn:nbn:de:hbz:466:1-42433

conferas in maritum, quamvis haud dubiè penes illum sit culpa, sed re in præsentia suppressâ, deinde sine arbitris eum monebis. §. Omni curâ in id eris intentus, ne uxoris patronus videaris venire contra virum, nam ut mulieres naturâ subimpudentes sunt ac procaces faciliè viris, ipsorum noxas, præsertim Sacerdotum iudicio damnatas objiciunt, quocirca satius est re diffimulatâ observantiam maritus debitam proponere uxoribus, & simul demonstrare ipsas, quòd viros suos sepe despiciatui habuerint, gravi utique dignas esse poenâ. Plura documenta pro conjugatis suggerit Lobner suprâ §. 10. à n. 3. Specialiter pro Patribus-familias, §. 6. Pro Matribus-familias, §. 7. Pro viduis, §. 8. Quàm autem fit cautè conversandum cum mulieribus dicam n. 1891.

1814. §. 5. Quoetuplicia sint bona filiorum familias, & quid notandum sit circa eorum furta aut salaria, ad quæ putant se jus habere laborantes in domo paterna, dixi l. 3. p. 1. à n. 1026. 1031. 1034. De famulis & ancillis dictum est ibidem à n. 706. 971. 1037. 1043. Examen filiorum-familias & famulantium maxime fieri debet circa furta & impudicitias: ac signanter reflectendum est, an non sint in proximis occasionibus peccandi, quas, ut absolvi possint, debent actu deserere, aut efficaciter velle ac posse facere remotas, secundùm dicenda n. 1831.

1815. Q. 262. Quid observare debeat Confessarius Medicorum & mercatorum, opificum, militum. R. §. 1. Obligationes & peccata Medicorum, pharmacopœorum, chirurgorum, habes l. 4. n. 1531. Mercatorum, ibidem num. 1539. Et specialiter Mercator graviter peccat, quando paratus est pro merce quodvis pretium, etiam injustum accipere, si possit: Item si falsò juret, & docen-

quod est mortale esse in confirmationem rei etiam levis falsæ interponere auctoritatem Dei, quod raro faciunt, nam modi asseverandi, quibus putant se jurare, sæpissime non sunt vocatio Dei in testem, uti constat ex dictis l. 3. nu. 256. 258. hinc ne peccent per conscientiam erroneam, dici debet illis quid sit & non sit jurare: item quid sit & non sit invidere proximo, nam sæpe per errorem credunt se peccare, si optent ad officinam suam venire illos, quos vident merces emere in alia vicina.

§. 2. Peccata opificum habes l. 4. n. 1539. 1816. Specialiter autem interrogandi sunt, an laborarint die festivo, retinuerint plus quam pretium contractum, subdlexerint partes materiæ, in qua pro aliis laborabant.

§. 3. Peccata militum, ac specialiter Officium belli, habes l. 3. p. 1. n. 867. Sunt autem milites sæpe addicti superstitionibus, circa quas examinandi sunt, prout habetur ibidem n. 41. Si ante prælium vel in communi periculo absoluti sunt non recensitis omnibus mortalibus, monendi sunt, quod remoto periculo teneantur se speciatim accusare de omnibus, ut directè absolvantur.

Q. 263. Quid observare debeat Confessarius hominis scandalosi. R. Per hominem scandalosum intelligo illum, qui causa est, cur alii peccent, sive id faciat malo exemplo, sive turpiloquiis, sive aliter. Deterrendi sunt tales studiosissimè, motivis quæ habet Gerson p. 2. Num. 3. opusc. De præcept. Decal. capit. 18. Quidquid agat homo in persona sua, supremè caveat alium ad malè agendum sollicitare: aut verbis, aut factis, exemplis vel consiliis aliquid agere, quod de se sit occasio ruinæ peccati, specia-